

Khoos Kas Pov Hwm Tiv Thaiv

Qhov CSP Puas Phim rau Kuv?



Koj Puas Tuaj Yeem Teb Tias ‘Yog’ rau Nram Qab No?

Tej zawm CSP kuj yog ib qho phim zoo rau koj txoj kev ua.

- ⑧ Kuv tshuav nuj nqi los sis nqi xauj, thiab tswj xyuas daim av rau kev tsim ua qoob loo los sis cia ua hav zoov, xws li av ua qoob loo, av tiaj nyom, av cog zaub nyuj los sis av tshav tsiaj.
- ⑧ Kuv twb ua tes hauj lwm pov hwm rau ntawm kuv qhov kev ua qoob loo lawm.
- ⑧ Kuv xav siv kuv txoj kev pov hwm qub dhau los los tiv thaiv ib puag ncig kom tau zoo dua qub.
- ⑧ Kuv xav los sis npaj los mus tswj daim av no ntev tsawg kawg yog tsib lub xyoos.
- ⑧ Kuv daim av raug raws li tej kev cai yuav tau pov hwm vim kuv daim av muaj feem yuav pob tau yooj yim thiab nyab dej(yog tsis paub meej, ces nug USDA Lub Chaw Lis Hauj Lwm hauv ib cheeb tsam hauv koj)
- ⑧ Kuv muaj tus nab npawb xau xaus los sis tus nab npawb npav ntawm tus tswv num uas tsim los ntawm IRS.
- ⑧ Tag nrho kuv cov nyiaj tau los mas tsawg dua \$900,000 (siv tsis tau rau Hav Neeg Qhab.
- ⑧ Yog ib tug tswv cuab ntawm ib lub chaw los sis ib lub koom haum sib koom tes, kuv muaj cai los txiav txim siab tswj xyuas rau txoj lag luam

CSP yog dab tsi?

Khoos Kas Pov Hwm Tiv Thaiv (Conservation Stewardship Program, CSP) muab kev pab tev niv thiab kev pab nyiaj txiag los mus pab rau cov neeg ua qoob loo thiab pov hwm hav zoov kom mob siab siv zog siv lawv txoj kev pov hwm mus rau theem tom ntej ntxiv.

Qhov khoos kas no raug tsim los pab nyiaj rau cov neeg ua qoob loo thiab pov hwm hav zoov uas pom zoo los ua kom muaj kev pov hwm ntau ntxiv los ntawm kev ua ntau cov hauj lwm pov hwm thiab muab kev saib xyuas rau lawv them kev pov hwm. CSP mas yog rau cov neeg ua qoob loo uas muaj kev hlub tshua txog kev pov hwm thiab kev tiv thaiv ib puag ncig.

Yuav muaj cov txiaj ntsig dab tsi?

Tej zaum CSP yuav ua rau muaj ntau yam txiaj ntsig, suav txog ua rau tsim qoob loo tau ntau ntxiv, tsis tau siv khoom pab txhawb ntau, tsim kho tej chaw nyob ntawm tej tsiaj qus thiab ua kom tej qoob loo ua no tiv tau huab cua tau zoo tshaj plaws. CSP kuj xav txhawb kom cov tej khoom siv tshiab thiab tej tswv yim tswj xyuas coj los siv thiab.

Piv txwv li, CSP tuaj yeem pab koj:

- Npaj lub sij hawm cog thiab tswj xyuas tej qoob loo npog av tau ncav sij hawm
- Tsim kho ib qho kev npaj cog zaub nyuj uas yuav tsim kho rau koj cov zaub nyuj kom zoo tuaj
- Tsis txhob muab laij teb txhawm rau txo kom av txhob pob los sis tswj xyuas tej chaw hav zoov hav tsuag uas yuav muaj txiaj ntsig rau tej chaw nyob ntawm tsiaj qus

Yog koj twb ua cov kauj ruam no los tsim kho ib qho xwm txheej ntawm daim av lawm, ces yuav ua rau CSP tuaj yeem pab koj nrhiav cov hau kev tshiab kom tau raws li koj cov hom phiaj.



CSP Ua Hauj Lwm Li Cas?

CSP muab sij hawm rau cov neeg ua qoob loo los mob siab ntxiv rau qhov kev pov hwm uas muaj tam sim no los mus siv cov kev pov hwm tshiab, ua kom muaj ntau ntxiv, thiab daws tau sai. Tejhauj lwm tshiab no yuav pab ua kom tej hav zoov hav tsuag zoo ntxiv tuaj thiab tsim kho rau txoj kev siv daim av.

Piv txwv li, yog koj twb cog ib hom qoob loo npog av lawm, koj txiav txim siab los sim cog ntau hom qoob loo npov av los sis cog hom qoob loo uas cag cog tob me ntsis thiaj li yuav tiv thaiv tsis tau muab tej av ceev.

Yog koj txiav txim siab thov rau CSP, NRCS lub chaw npaj kev npaj pov hwm hauv ib cheeb tsam yuav tau muab kev sib sab laj ib toj ib nrog koj los mus tshuaj ntsuam xyuas koj qhov txheej txheem tswj xyuas tam sim no thiab tshuaj xyuas ub no rau ntawm koj daim av. Tom qab ntawd koj yuav tau ua hauj lwm nrog NRCS lub chaw npaj kev npaj pov hwm los mus xaiv CSP cov hauj lwm pov hwm tshiab uas saib raws li koj tej hom phiaj tswj xyuas rau koj qhov kev siv daim av.

Thaum koj xaiv tej kev nqis ua los sis tej hauj lwm uas zoo haum tshaj plaws los pov hwm lawm, thiab yog koj daimm ntawv thov kev pab raug xaiv rau cov nyiaj pab lawm, CSP yuav pab nyiaj siv rau tej kev nqis tes siv ua tej hauj lwm no rau ntawm koj daim av ua xyoo, thiab ua thiab saib xyuas tej kev pov hwm qub uas muaj dhau los lawm.

Puas xav ua ib kauj ruam tom ntej? CSP kuj muab kev saib xyuas kom sai uas koj tuaj yeem xaiv ib kev npaj ua phim zoo thiab yuav tau txais tus nqi them siab.

CSP Cog Lus Ntev Npaum Li Cas?

Tsib xyoos, nrog rau muaj feem yuav ntxiv sij hawm tshiab ntxiv tsib xyoo ntxiv yog koj ua tau tiav zoo raws li koj thawj qhov kev cog lus, thiab yog koj daim ntawv thov ntxiv sij hawm tshiab muaj laj thawj zoo txaus lawm (CSP yuav sab laj ntxiv sij hawm tshiab ntxiv rau koj).

Qhov Muaj Cai Tsim Nyog Rau CSP**Daim Av Uas Tsim Nyog Raug Pab****Q. Hom av uas tsim nyog raug pab rau CSP yog hom dab tsi?**

A. Tej av uas raug tsim nyog pab muaj xws li tej av ntiag tug uas ua qoob loo, tej av ua qoob loo ntawm Haiv Neeg Qhab, tej hav zoov hav tsuag ntiag tug uas tsis yog siv ua lag luam dab tsi, tej av tu tsiaj rau lawm, tej av uas ua qoob loo thiab tsoom fiv tej av uas yuav raug tswj kav uas nyob rau hauv tus neeg thov nyiaj pab qhov kev tswj kav thiab yog ib feem ntawm lawv txoj kev siv daim av. Tsis muaj ciaj ciam tsawg tshaj plaws rau daim av. CSP tso npe koj tag nrho koj daim av siv tso rau hauv qhov khoos kas no, tsis yog ib daim av tshwj xeeb los sis ib daim ntawv cog lus tshwj xeeb xwb. Txhua daim av yuav tsum ua raws li tej kev cai pov hwm rau tej av uas muaj feem pob zoo thiab dej nyab ntawm USDA mas thiaj li yuav tsim nyog raug pab rau CSP.

Q. Kuv yog ib tug ua qoob tshiab rau tam sim no puas yog? Kuv puas tsim nyog raug pab rau CSP?

A. Tseem tsis tau tsim nyog. Yuav tsum tau ua ib yam qoob loo rau ntawm daim av los sis ib yam dab tsi rau hauv tej hav zoov hav tsuag lawm. Tej av uas twb muab luaj tag los sis npaj yuav cog qoob loo txuas mus ntxiv los tsis tsim nyog rau CSP kom mus txog thaum kev ua ib hom qoob loo tag thiab tau muab tej qoob loo, khoom cog noj los sis tej zaub tiav tag lawm. Nco ntsoov kuaj xyuas nrog USDA lub chaw hauv koj ib cheeb tsam ua ntej yuav luaj ib qhov av thiaj li yuav pab koj tsis ua txhaum tej qauv av uas muaj feem pob zoo thiab kev pov hwm daim av los sis kev pov hwm daim av uas dej nyab tau. Yog tsis muaj qhov raug raws li NRCS tej qauv ces tej zaum yuav cuam tshuam rau koj qhov muaj cai raug xaiv pab rau hauv USDA tej khoos kas pab.

Kev Tsim Nyog Raug Pab Ntawm Tus Neeg Ua Qoob Loo**Q. Leej twg thiaj li tsim nyog raug pab rau CSP?**

A. Cov neeg thov xws li cov neeg tus kheej, cov chaw uas muaj ntau ntawv raug raws cai, cov koom haum sib koom tes ua ke los sis Haiv Neeg Qhab uas yog tus tswv av los sis xaiv av thiab tam sim no tswj xyuas rau daim av ua qoob loo los sis saib xyuas hav zoov hav tsuag. Tus neeg hov yuav tsum muaj tus nab npawb xaus xaus los sis tus nab npawb npav ntawm tswv num uas raug ua tuaj ntawm IRS thiab yuav tsum tswj xyuas daim av tag nrho rau hauv lub sij hawm ntawm 5-xyoos raws li CSP daim ntawv cog lus. Tus neeg thov yuav tsum muaj nyiaj tau los tag nrho hauv ib lub xyoos puag ncig twg tsis qis dua \$900,000. Tus qauv cai ntawm cov nyiaj tau los sis tsis tau rau Haiv Neeg Qhab.

Theem Kev Tiv Thaiv Uas Tsim Nyog Raug Pab**Q. Theem kev tiv thaiv yog dab tsi?**

A. Theem kev tiv thaiv yog ib tshooj cai uas NRCS siv los txiav txim seb ib tug neeg thov CSP tam sim no puas raug raws li los sis tshaj theem qauv kev pov hwm txaus rau ib qho kev txhawj xeeb txog kev saib xyuas hav zoov hav tsuag. CSP cov neeg thov tam sim no yuav tsum raug raws li theem kev tiv thaiv tsawg kawg yog yuav tsum muaj ob yam txawj xeeb tseem ceeb rau hav zoov hav tsuag rau ntawm txhua daim av uas siv suav txog txoj kev nqis tes siv daim av hauv. Lawv kuj yuav tsum pom zoo ua kom tau raws li los sis tshaj theem kev tiv thaiv kom tau tsawg kawg yog ib qho kev txhawj xeeb ntxiv thaum mus kawg raws li daim ntawv cog lus rau ntawm kev siv ib daim ntawv twg. Txhob txhawj yog koj tsis paub meej tias koj theem tiv thaiv zoo li cas ces ib tug neeg npaj ntawm NRCS yuav pab koj tau.

Txoj Kev Nqis Tes Ua Ntau Yam Pab Txhawb Ntxiv thiab Ua Kom Sai**Q. Ib qho kev nqis tes pov hwm yog dab tsi?**

A. Tej kev nqis tes pov hwm tuaj yeem tsim kho tej av, dej, tej xooob ntoo, huab cua, tej chaw nyob tsiaj qus, thiab ntsig txog rau tej peev txheej ntawm hav zoov hav tsuag tib si. Txhua txoj hau kev pov hwm yuav tsum raug ua los ntawm kev siv raws li cov qauv ntawm NRCS uas raug tsim kho los ntawm ib lub xeev twg.

Q. Ib qho kev txhawb ntxiv yog dab tsi?

A. Tej kev txhawb ntxiv mas yog cov hauj lwm pov hwm uas raug siv los saib xyuas tej kev txhawj xeeb thiab nqis tes tsim kho pov hwm rau ntawm daim av.

Q. Ib qho yuav tau ua sai yog dab tsi?

A. Tej hauj lwm yuav tau ua sai mas yog daim av siv tshwj xeeb thiab yuav tsum muaj tsawg kawg yog peb txoj hauj lwm txhawb ntxiv, uas qhov kev nqis tes ua no yuav yog ib qho kev pov hwm tsim kho thiab daws tau ntau qhov kev txhawj xeeb rau hauv ib qho kev npaj ua zoo thiab raug tus nqi pheej yim.

Txhua txoj hauj lwm yuav ua sai muaj peb los sis ntau txoj hauj lwm pab txhawb ntxiv, thiab rau qee qhov yuav ua sai, tus neeg thov muaj feem kev xaiv los mus xaiv tej kev pab txhawb ntxiv los ntawm cov npe xaiv uas yuav daws tau tej yam txhawj xeeb tshwj xeeb.



Cov neeg ua qoob loo uas xav los nqis tes ua tej hauj lwm pab txhawb ntxiv los sis tej hauj lwm sai rau ntawm lawv tus kheej daim av ces tuaj yeem mus ntsib lawv tus neeg npaj kev npaj hauv ib cheeb sam ntawm NRCS thiaj li paub txog tej ntawd ntau ntxiv.

CSP Cov Nyiaj Them

Q. Hom nyiaj them uas raug muab dhau los ntawm CSP yog hom twg?

A. Nws muaj peb hom nyiaj them dhau los ntawm CSP.

1. Cov nyiaj them raws li kev cog lus raws xyoo uas yog saib raws ob feem xws li:

- Cov nyiaj them los pab rau kev pov hwm qub tam sim no uas saib raws li daim av siv uas muaj nyob rau hauv daim ntawv cog lus
- Cov nyiaj them pab rau tej kev nqis tes pov hwm thiab tej hauj lwm tshiab ntxiv.

2. Cov nyiaj pab txhawb ntxiv rau cov neeg ua qoob loo txaus siab hlo los nqis tes cog ib hom qoob loo tuav av mus los, tsim kho rau yam cog dhau los rau hom qoob loo hloov pauv cog mus los, los sis nqis tes tswj xyuas kom zoo cia ua vaj zaub rau nyuj noj

3. Cov nyiaj them tsawg kawg raws li kev cog lus rau yuav luag txhua daim ntawv cog lus.

Q. Yuav them cov nyiaj them pab rau thaum twg?

A. NRCS yuav them cov nyiaj them kom sai li sai tau kias tom qab Lub Kaum Hlis Ntuj Hnub Tim 1 ntawm txhua lub xyoo mus rau cov hauj lwm uas cog lus tias tau teeb tsa lawm thiab tau ua rau lub xyoos dhau tag los lawm thiab yuav tsum ua kom tiav rau Lub Cuaj Hli Hnub Tim 30.

Q. Kuv puas yuav tau them se dab tsi rau cov nyiaj pab no?

A. Yuav tau them os. Txhua cov nyiaj pab rau koj los ntawm NRCS mas yuav tsum hais qhia mus rau tim Lub Chaw Saib Xyuas Cov Nyiaj Paj Tau Los thiab yuav tsum raug hais qhia tias yog cov nyiaj paj tau los rau ntawm koj daim ntawv thov nqi se hauv lub xyoos. Koj yuav tau txais ib Daim Ntawv Foos 1099 los mus hais qhia CSP cov nyiaj them rau ntawm koj cov nqi se uas tau rov qab los.

CSP Kev Thov Kev Pab thiab Kev Tshuaj Ntsuam Xyuas

Q. Kuv yuav thov CSP tau li cas?

A. Tiv toj rau NRCS ib lub chaw lis hauj lwm hauv ib cheeb tsam thiab qhia rau lawv paub tias koj xav thov CSP. Ib tus kws npaj kev npaj pov hwm yuav ua hauj lwm nrog koj los mus txiav txim siab seb koj puas tsim nyog raug pab rau theem kev tiv thaiv no.

Yog koj yog ib tug neeg tshiab uas yuav sib txuas lus nrog rau USDA, koj yuav tsum npaj koj Tej Ntaub Ntawv Teev Tseg Txog Kev Ua Qoob Loo nrog rau Lub Tsev Hauj Lwm Saib Xyuas Kev Ua Qoob Loo (Farm Service Agency, FSA). Tej Ntaub Ntawv Teev Tseg Txog Kev Ua Qoob Loo mas yuav tsum tau siv ntau daim ntawv fos thiab ntau yam ntaub ntawv, yog li yuav tau teem caij mus ntsib nrog FSA lub chaw lis hauj lwm uas nyob ze ntawm koj kom sai li sai tau.

Ntxiv rau ntawm koj Tej Ntaub Ntawv Teev Tseg Txog Kev Ua Qoob Loo lawm, koj kuj yuav tsum xa mus rau lub chaw NRCS thiab:

1. NRCS CPA-1200- Kev Thov Rau Qhov Khoos Kas Pov Hwm
2. Daim ntawv qhia chaw yuav qhia tag nrho tej av siv thiab tej av nyob rau hauv qhov kev ua.
3. Daim ntawv qhia chaw los sis lwm cov ntaub ntawv uas hais txog ib qho paub tias daim av twg tsis tsim nyog raug pab thiab muaj feem ntsig txog daim av ntau npaum li cas.

Q. Tej ntaub ntawv thov rau CSP yuav raug tshuaj ntsuam xyuas li cas?

A. Thaum NRCS ua tiav ib qho kev tshuaj ntsuam xyuas rau ntawm koj qhov kev ua thiab koj xaiv tej kev nqis tes pov hwm los sis tej hauj lwm uas koj xav ua, ces NRCS mam li ntaus nqi rau koj daim ntawv thov los mus txiav tim seb koj qhov kev npaj tam sim no zoo li cas lawm thiab txheej txheej tswj xyuas rau yav tom ntej yuav daws puas tau tej hom phiaj tseem ceeb uas yuav tau xub ua ua ntej raws li muaj nyob rau hauv lub teb chaws, lub xeev, thiab hauv ib cheeb tsam.

NRCS yuav ntaus nqi rau koj daim ntawv thov piv rau lwm cov ntaub ntawv thov uas tsim nyog raug pab rau hauv tib hom kev ntaus nqi, tej ntaub ntawv thov twg tau raug ntaus nqi tau tus qhab nia siab tshaj plaws ces thiaj li yuav tau txais kev cog lus pab nyiaj ua ntej.

CSP Qhov Kev Pab Txhawb Rau Kev Pov Hwm Tej Av Muaj Nyom

CSP muab kev pab rau Qhov Kev Pab Txhawb Rau Kev Pov Hwm Tej Av Muaj Nyom (Grassland Conservation Initiative, GCI) tshiab uas yuav pab rau cov neeg ua qoob loo tsim nyog raug pab kom muaj kev tiv thaiv rau ntawm daim av muaj nyom, muaj kev pov hwm thiab tsim kho tej av, dej, thiab tej chaw nyob rau tej tsiaj qus, thiab ua kom tiav rau tej feem tseem ceeb ntawm kev pov hwm dhau los ntawm daim ntawv cog lus pov hwm tej av muaj nyom rau hauv lub sij hawm tsib lub xyoos. Kev muaj cai raug pab mas raug txwv txiav rau cov neeg ua qoob loo uas muaj ntaub ntawv teeb tseg tias muaj nyom nyob rau ntawm lawv daim ntawv raws li FSA hais qhia txij thaum xyoo 2009 us txog rau xyoo 2017.

